



UNIVERSITÄTS-
BIBLIOTHEK
PADERBORN

**Chronologiæ Veteris Testamenti Accvratvm Examen
Augustiſimæ, Invictissimæq[ue] Domui Austriacæ
Dicatvm**

Philippi, Henricus

Coloniae Agrippinae, 1637

Autor Lectori Beneuolo S.

[urn:nbn:de:hbz:466:1-64340](#)

Autor Lectori Beneuolo S.

Hæres opinor, in frontispicio, Amice Lector, & hac
duo, quæ ego olim mecum, tu tecum nunc reputas.
Quis scopus? & cui bono? Placet: siste ergo tantisper, au-
dies. Primum, quo sagittam, calatum, inquam, collineem
rogas? Scripturæ loca, quæ certas temporū Notationes ex-
hibent, mihi suscepit pertractanda, eo ordine, quo in sacris
Biblijs occurrit, ea ferè methodo, qua Schola Theologica
uti solent. Minus impedita brevibus Notis expediā: quæ
maiis negotium facessunt, euoluam operosius, Quæstio-
nibus propositis. Discutiam auctorum placita, probabi-
liorem sententiam obfirmabo, aduersariorum argumenta
diluam: res alias negligam, nisi cùm ad propositum facere
videbuntur. Spero autem tribus me libris Chronologiam
omnem sacram, Deo propitio, absoluturum, quorum Pri-
mus Pentateuchum: Alter Iosue, Iudicum, Ruth, 4. Re-
gum, 2. Paralip. Esdræ & Nehemiæ: Tertius Tobiæ, Iu-
dith, Esther, Prophetarum, Maiorum & Minorum, ac
denique duos Machabæorum Libros persequitur. Ta-
bula vero annorum, præsertim expansorum, si vspjam,
maxime post Pentateuchum usi erunt. Verum ista plus-
ribus in Prefatione ad Synopsin.

Cui hac bono; præsertim post tot alios: hoc te alterum-
paucis volebam. Si Theologo expendenda non est sacra

Chro-

Chronologia: cur eam nobis Spiritus sanctus, & quidem
obscure tradidit? cur in ea illustranda, tot Schola & Ec-
clesiae lumina neruos calamosque contenderunt? Quid a-
ges, si Sectarij in te conuolent? si ut in Bibliorum nodis in-
tricandis triumphant, Temporum tricas, quasi laqueos
inijciant, & capto insultent? Quam velles Notas sanae
Chronologiae & Quæstiones omnes euoluisse! At qui id
poteris hic assequi, breui compendio, exiguo sumptu. Nam
ne longum laborem & preciosum rei, cum temporis con-
querare, ea que alij numero & opinionibus diuersissimi,
ingentibus disputationibus, pluribus voluminibus com-
plicuere, tuo bono, breuiter explicare studui. Vtrum felici-
ter sim istud asecutus; tu legendō facile experieris: ani-
mum saltem meum aquiboniq; consules, nemini in via fu-
turus sum noxa; siquidem non digladiandi, sed veritatis
indaganda studio, in hanc me arenam contuli, paratus
prudentum iudicio dirigi, si quis me nolentem error à me-
ta longius abduxerit. Monui breuiter quæ volebas, ut
volebam: nunc è frontispicio, ex quo te propuli, in a-
trium intimosque lares subi, si placet, & bene
vine, ac vale.

• 8 (* *) •

NOTÆ